

Na Hulanda

Arubiano scondi pa represaya di traficantenan

Tin Douanero y Marechaussee involvi den e corrupcion

ORANJESTAD (AAN): Den edicion di Diamars, DIARIO a menciona di comienzo di un investigacion profundo di parti di RijksRecherche Hulandes. Esaki pa motibo desde algun tempo caba segun informe suministra cerca e hefe maximo di e organizacion, den Marechaussee tin un of mas corrupto ta circula bao di e organizacion cu seccion di

Schiphol.

E informe aki a pone cu e hefe maximo di e organizacion solicita pa Rijks Recherche start un investigacion profundo.

Relaciona cu e informe aki, awor den e publicacion di Trouw na Hulanda, a bin e revelacion cu a hala atencion di Aruba.

E periodista encarga cu e articulo a cuminsa su version

na unda e ta menciona cu RijksRecherche ta sospecha Douanero y Marechaussee na Schiphol di ta meti cu traficantenan di droga.

E ambtenaarnan corrupto aki ta worde informa di antemano, cual 'traficante' ta yegando cu avion, y asina nan tin cu lage pasa sin ningun chequeo.

Relaciona cu e informe cu ta circula na Aeropuerto di Schiphol, a start e ora ey bao di Marechaussee un investigacion. Parce cu e investigacion ta holer pa cual a pasa esaki pa RijksRecherche.

Na Schiphol, e forma di traha di esnan sospechoso a worde poni den otro cu amigo y cierto traficantenan tin convenio di esaki. Hasta segun e version, a crea lugar special pa e meta.

E sospecho aki a start, ora cu un Arubiano a keda aresta, como cu aparentemente e ta esun cu a percura pa pone e

"organizacion" criminal aki riba pia na Schiphol.

Despues di su aresto, e Arubiano a bay di acuerdo pa "basha abao" tur loke e sa na autoridad, pero a cambio tabata exige "placa" y tambe exige pa autoridad Hulandes yude cambia su "identidad".

Ta worde menciona den e version tambe, nomber di e abogado cu ta defensor di e Arubiano no-identifica, y el a divulga cu colegio di Procurador General a nenga di drenta den laman cu e deal proponi pa e Arubiano. Hasta ta asina segun e informacion cu e Arubiano por apunta dede den direccion di e "Ambtenaarnan Corrupto".

Ta asina tambe cu e Arubiano conoce nan na nomber y fam, pa motibo ey e mes a busca nan y hasta paga nan, segun su abogado a laga sa. Tin indicacion cu ta trata di 7 pa 8 ambtenaarnan den e asina yama Schiphol team cu a worde encarga pa

combati traficacion di droga.

E Arubiano a worde deteni den luna di juni 2002 relaciona cu traficacion di droga. El a worde condena pa 9 luna di prison, pero fiscal cu a exige 6 aña y mei a apela e sentencia.

Pero e Arubiano ta sperando cu Ministerio Publico ta bay hala nan apelacion atras, como un di e exigencianan pa e papia y divulga mas cos encuantu e organizacion Mafioso na Schiphol.

Pero parce cu Ministerio Publico no kier sa nada di e asunto aki. E persona en cuestion den e caso aki e Arubiano ta scondi pa motibo e tin miedo pa e "cabezantenan" cu a dune orden.

Por ultimo segun e version, e abogado lo a laga sa cu su cliente lo por bisa hopi mas cos cu locual Marechaussee nan sa awor. Pero e informacion nan ta tene atras como cambio di placa.

E investigacion contra dje a keda cla Sospechoso deteni pa hortamento di coriente laga liber

ORANJESTAD(AAN) - Dia 27 di December, Polis a detene e homber E.D.H. como sospechoso complice di hortamento di coriente.

E ta ser sospecha di a yuda pa otro negoshinan y personanan tambe por a horta coriente. Informacion cu DIARIO a ricibi ayeramerdia for di Ministerio Publico ta muestra cu ayera mainta E.D.H. a worde laga den libertad.

Esaki pasobra cu e investigacion penal contra su persona a keda conclui. Sinembargo, esaki no kiermen cu e ta inocente.

DIARIO por a compronde for di Ministerio Publico cu lo tin un caso penal contra E.D.H. cu sigur lo tuma lugar otro aña.

E CIRCO KOMT ZO ATROBE!!

KEN LO BIRA E PROXIMO
GANADOR DEN E ELECCION
VENIDERO... AY NOBE!!



BEST DEAL

Tel: 827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 865455

*Bon Aña
Happy New
Year
Gelukkig
Nieuw Jaar
Feliz Año
Nuevo.*

E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM